

libro. segundo

personas. E de mas arriba que non lieue mas. Pero sy alguno leuare carta general pa sy 7 pa los q̄ se acaescheron con el que pague tres myll m̄s.

Csy nos dieremos carta para que andē los ganados seguros de alguna p̄sona 7 pazcan las yeruas 7 beuan las aguas q̄ la tal persona q̄ pague por la carta al sello sesenta m̄s 7 sy fuere para dos p̄sonas paguen ciento 7 beynte m̄s. Pero sy fuerē pa tres p̄sonas o pa cōcejo. o dende arriba de tres p̄sonas paguē doscientos m̄s. Quando nos dieremos carta n̄ra cōtra algun concejo /o p̄sona pa desfazer alguna mala ordenaçã o mandaremos q̄taç mal fuero q̄ pague por la carta al sello la p̄sona que la ganare quinze m̄s. Pero sy fuere concejo. el q̄ la leuare pague sesenta m̄s. sy fuere cōcejo de treynta vezinos arriba. E si fuere de treynta vezinos ayuso fasta veinte que pague treynta m̄s. E sy fuere de beynte vezinos ayuso. 7 vna p̄sona syngular q̄ pague veinte m̄s.

Csy nos dieremos n̄ra carta. en q̄ fizieremos algun alferes. de alguna cibdad o villa que pague por la tal carta al sello cien maravedis.

CQuando Nos fizieremos algun monedero /o monederos. mādaremos q̄ le guardē su/exfencio pague por la carta al sello cient m̄s. Pero sy la tal carta fuere dada con audiēcia estōces non se pague sy non por carta de enplazamiento.

CQuando Nos fizieremos algun ballestero /o montero /o ballestero de cauallo pague por la carta al sello sesenta m̄s. E eso mesmo pague quãdo alguno fizieremos ballestero de nomina de qual q̄ez cibdad o villa.

CQuando nos fizieremos. aalguno mayordomo /o chãcillez de alguna cibdat o villa pague por la carta al sello sesenta m̄s sy el tal /oficio fuere con salario E sy fuere syn salario beynte maravedis.

CPor qual q̄ez n̄ra carta de tregua o seguro q̄ nos pusieremos entre vna p̄sona 7 otra q̄ pague por la carta al sello el q̄ la sacare doze m̄s. Pero sy nonbrare. a muchos p̄guen por tres. E sy fuere concejo q̄ pague el conçojo / que la sacare por tres p̄sonas.

CDela carta pa q̄ se guarde alguna sentēcia difinitina dada. en algun logar diez 7 ocho maravedis. E pa que se guarde in terlocutoria diez m̄s.